



USAID
OD AMERIČKOG NARODA

JAVNI POZIV ZA DOSTAVLJANJE PROJEKTNIH PRIJEDLOGA

Oznaka poziva:	20.04.0-N2.3-9107
Naziv poziva:	Podrška aktivnostima LGBTQI zajednice u BiH
Rok za dostavljanje projektnih prijedloga:	19. novembra 2023. godine do 23.59 sati



Javni poziv za dostavljanje projektnih prijedloga

Kroz Program podrške zaštiti ljudskih prava (USAID/INSPIRE), Američka agencija za međunarodni razvoj (USAID) osnažuje građane i vlasti u BiH kako bi unaprijedili zaštitu ljudskih prava te pružili bolje usluge i prilike za zapošljavanje marginaliziranim grupama u Bosni i Hercegovini. Marginalizirane grupe u BiH susreću se s velikim izazovima. Zato je ključno kontinuirano pružati podršku onima kojima je potrebna, među kojima su i članovi LGBTQI zajednice.

USAID/INSPIRE poziva nevladine organizacije registrirane u Bosni i Hercegovini (udruženja i fondacije osnovane prema zakonima o udruženjima i fondacijama u BiH) da dostave svoje projektne prijedloge u okviru komponente za pružanje **Podrške aktivnostima LGBTQI zajednice u BiH**.

Na Javni poziv ne mogu se prijaviti: javne ustanove, institucije vlasti, privredna društva, vjerske organizacije, politički subjekti, kao ni međunarodne nevladine organizacije koje nemaju registrirano svoje predstavništvo u Bosni i Hercegovini u skladu sa zakonima o udruženjima i fondacijama u BiH.

Organizacije koje su izabrane po posljednjem objavljenom Javnom pozivu 20.04.0-N2.3-6949 ne mogu aplicirati na ovaj Javni poziv.

Sve projektne aktivnosti moraju se realizirati u Bosni i Hercegovini.

Projektne prijedlozi mogu se dostavljati za cjelokupni ili djelomični iznos sredstava potrebnih za implementaciju kandidiranog projekta. Iznos predloženog administrativnog dijela budžeta (plate, doprinosi, porezi, režijski i uredski troškovi) ne može iznositi više od 40% od ukupnog budžeta.

Minimalni iznos sredstava koja se traže od USAID/INSPIRE ne može biti manji od 50.000 BAM, a maksimalan iznos traženih sredstava ne može prelaziti 150.000 BAM. Trajanje projekta ne može biti kraće od 12 mjeseci ni duže od 17 mjeseci.

Sva pitanja koja se tiču ovog Javnog poziva dostavljaju se isključivo putem e-mail adrese: prijava@usaidinspire.ba (subject/predmet: 20.04.0-N2.3-9107, *Upit*) do 8. novembra 2023. godine.

U petak, 3. novembra 2023. g, s početkom u 11.00 sati bit će održana online Info sesija vezana za Javni poziv 20.04.0-N2.3-9107, *Podrška aktivnostima LGBTQI zajednice u BiH*. Link za prisustvo online info sesiji se nalazi ovdje: <https://s.usaidinspire.ba/infosesijaLGBTQI>.

Puni tekst Javnog poziva kao i svi potrebni obrasci dostupni su na online platformi za upravljanje grantovima APPLY na linku: <https://s.usaidinspire.ba/JPLGBT24>

Od aplikanta se traži da **do 19. 11. 2023. godine do 23.59 sati** dostave nacrt projektnog prijedloga u elektronskom obliku, sa svim traženim priložima, nakon što se registriraju kao organizacija (*organisation*) na online platformi za upravljanje grantovima APPLY. U sklopu aplikacije trebaju popuniti sve podatke o svojoj organizaciji i odabrati komponentu na koju apliciraju unutar programa USAID/INSPIRE, nakon čega će odmah dobiti automatski e-mail kao potvrdu o prijemu aplikacije. Nacrti projektnih prijedloga koji ne budu dostavljeni na navedeni način i do navedenog roka neće biti uzeti u razmatranje.



Napomena: Svi potencijalni aplikanti trebaju pristupiti registraciji na online platformi za upravljanje grantovima APPLY čim prije, kako bi se upoznali s uvjetima i tehničkim postavkama aplikacije, a putem linka: <https://s.usaidinspire.ba/apply>. Molimo vas da taj link spasite u svoje kratice (*bookmarks*) ako namjeravate aplicirati na USAID/INSPIRE sada ili u budućnosti, a detaljne instrukcije o procesu registracije možete pronaći na linku: <https://s.usaidinspire.ba/applyti>.

Ukoliko ste već registrirani na online platformi za upravljanje grantovima APPLY možete dobiti više informacija klikom na dugme „Pages“ u gornjem desnom uglu.

Aplikanti se mole da pažljivo pročitaju tekst Javnog poziva prije nego što počnu s procesom apliciranja i prije nego dostave svoj projektni prijedlog.

Prava LGBTQI osoba

Različiti međunarodni pravni dokumenti jasno obavezuju Bosnu i Hercegovinu da radi na unaprjeđenju ljudskih prava LGBTQI osoba. To se prije svega odnosi na one dokumente koji su sadržani u Aneksu I Ustava Bosne i Hercegovine, kao i Ustava Federacije Bosne i Hercegovine, Ustava Republike Srpske i kantonalnih ustava. Svi ovi dokumenti izričito zabranjuju diskriminaciju na osnovi seksualne orijentacije u pristupu pravima i slobodama koje su sadržane u ovim međunarodnim sporazumima.

U Bosni i Hercegovini ostvaren je značajan napredak u pogledu uređivanja sistema zaštite od diskriminacije. Diskriminacija na osnovi seksualne orijentacije zabranjena je ključnim zakonima u ovoj oblasti, i to Zakonom o ravnopravnosti spolova u BiH („Službeni glasnik BiH“, broj 32/10) i Zakonom o zabrani diskriminacije BiH („Službeni glasnik BiH“, br. 59/09 i 66/16). Brojni drugi zakoni sadrže ovu zabranjenu osnovu, uključujući i krivične zakone. Osim toga, Zakonom o zabrani diskriminacije BiH zabranjena je diskriminacija na osnovi rodnog identiteta i spolnih karakteristika, ali i po bilo kojoj drugoj okolnosti koja ima za svrhu ili posljedicu da bilo kojoj osobi onemogući ili ugrožava priznavanje, uživanje ili ostvarivanje na ravnopravnoj osnovi prava i sloboda u svim oblastima života.

Uprkos tome, dostupni podaci govore o rasprostranjenosti diskriminacije na osnovi spolne orijentacije. Prema podacima Svjetske banke, 92% ispitanika u BiH izjavilo je da je diskriminacija zasnovana na njihovoj seksualnoj orijentaciji ili prilično uobičajena ili vrlo česta.¹

U Bosni i Hercegovini, i pored napretka u davanju posebnog karaktera ljudskim pravima i slobodama u ustavnom i pravnom poretku, postoje brojni dokazi da LGBTQI osobe ne uživaju svoja ljudska prava i slobode te da postoje različiti oblici diskriminacije prema njima. U svom Mišljenju o zahtjevu Bosne i Hercegovine za članstvo u Europskoj uniji, Europska komisija je zaključila da zaštita i uključenost ranjivih skupina još uvijek nisu na odgovarajućoj razini, što se posebno odnosi na (između ostalih) LGBTQI osobe. Stoga jedan od 14 ključnih prioriteta Bosne i Hercegovine u pretpristupnom procesu predstavlja prioritet 13: „Unaprijediti zaštitu i inkluziju ranjivih skupina, posebno (...) LGBTQI osoba“.

U Analitičkom izvještaju uz Mišljenje Europske komisije o zahtjevu Bosne i Hercegovine za članstvo u Europskoj uniji u vezi s ljudskim pravima LGBTQI osoba naglašene su oblasti u kojima je ostvaren napredak i oblasti u kojima postoje izazovi. Tako je zaključeno da su četiri krivična zakona usklađena

¹ Akcioni plan za unaprjeđenje ljudskih prava i temeljnih sloboda LGBTI osoba u Bosni i Hercegovini za razdoblje 2021–2024. godine



tako da uključuju zločine iz mržnje na osnovi seksualne orijentacije i rodnog identiteta te da su seksualna orijentacija, rodni identitet i spolne karakteristike također izričito zabranjene osnove za diskriminaciju od usvajanja izmjena i dopuna Zakona o zabrani diskriminacije iz 2016. godine. Međutim, zaključeno je kako je broj sudskih predmeta po ovim osnovama zanemariv.

Nedovoljno je procesuiranje zločina iz mržnje i govora mržnje prema LGBTQI osobama. Fizički napadi do sada nisu doveli do podizanja optužnica. Međutim, policijski službenici i predstavnici pravosuđa počeli su pohađati obuke o LGBTQI pitanjima. Redovno se održavaju događaji za podizanje javne svijesti o LGBTQI pitanjima. Prva presuda u BiH kojom je ustanovljena diskriminacija na osnovi seksualne orijentacije, rodnog identiteta i spolnih karakteristika donesena je u aprilu 2022. godine. Prema tužbi koju je pokrenuo i vodio Sarajevski otvoreni centar, sudski postupak vodio se ukupno dvije godine i šest mjeseci i relevantan je jer prvi put nakon 13 godina od usvajanja Zakona o zabrani diskriminacije izrečena presuda kojom su zaštićena prava LGBTQI osoba u BiH.²

U Bosni i Hercegovini ne postoji zakonsko rješenje koje bi istospolnim parovima omogućilo registriranje životne ili istospolne zajednice. Posljedica takvog stanja ogleđa se u uskraćivanju ostvarivanja niza prava koja bi registracijom ove zajednice nastala između partnera, prvenstveno imovinska, pravo na nasljeđivanje, ostvarivanje zdravstvene zaštite itd.

Transrodnim osobama u BiH nije omogućena pravna promjena spola. Naime, oznaku spola u osobnim dokumentima i jedinstveni matični broj mogu promijeniti tek nakon izvršene "potpune" medicinske prilagodbe spola. Prema zakonima o matičnim knjigama entiteta i Brčko distrikta, te unutrašnjim pravilima ministarstava zdravstva i MUP-ova entiteta i Brčko distrikta, nakon pregleda dokumentacije donesene iz inostranstva, MUP-ovi poništavaju stari i izdaju novi jedinstveni matični broj i rješenje na osnovi kojeg osoba može promijeniti ostale lične dokumente. Endokrinološka terapija i hirurški zahvati moraju se obavljati u inostranstvu i troškove snose same transrodne osobe, jer ih bh. zdravstvene ustanove ne rade. Postoji mogućnost pokrivanja troškova kroz neko drugo pravo (troškovi liječenja u inozemstvu), ali se to rješava pojedinačno, u svakom pojedinačnom slučaju.

Sva dostupna istraživanja potvrđuju da su predrasude i stereotipi prema LGBTQI osobama izraženi, te da LGBTQI osobe zbog toga trpe uznemiravanje, maltretiranje i diskriminaciju. Uprkos zakonodavstvu koje zabranjuje diskriminaciju po osnovi seksualne orijentacije i rodnog identiteta, skoro polovica (49%) ispitanih navodi da su bili diskriminirani ili maltretirani u prethodnih 12 mjeseci. Transrodne osobe su više ugrožene, pri čemu 80% ispitanih navodi takva iskustva. Diskriminacija se javlja i u obrazovnom sustavu i na radnom mjestu, što onemogućava LGBTQI osobama da daju svoj puni doprinos razvoju društva u kojem žive.³

Svaka treća ispitana osoba navodi kako je bila žrtva nasilja u posljednjih pet godina. Transrodni ispitanici su još i više ugroženi, pri čemu ih je više od polovine iskusilo nasilje. Pogubni utjecaji koje takva iskustva imaju na žrtve dobro su dokumentirani, a takvo nasilje ima za posledicu i šire društvene troškove. Zbog toga preko 70% LGBTQI osoba izbjegava određena javna mjesta (poput ulica, trgova, javnoga prijevoza, kafića, restorana, klubova, javnih prostorija, zgrada, parkova i dr.) radi vlastite sigurnosti, te na takvim mjestima ne govore o svom identitetu. Devet od deset ispitanih reklo je kako se ljudi često

² Sarajevski otvoreni centar, Rozi izvještaj 2022. Godišnji izvještaj o stanju ljudskih prava LGBTI osoba u Bosni i Hercegovini

³ Akcioni plan za unaprjeđenje ljudskih prava i temeljnih sloboda LGBTI osoba u Bosni i Hercegovini za razdoblje 2021–2024. godine



uvredljivo šale na račun LGBTQI osoba u svakodnevnom životu. Dvije trećine LGBTQI osoba zbog toga krije svoj identitet na radnom mjestu, dok je preko 40% njih prisustvovalo negativnim komentarima prema LGBTQI osobama na radnom mjestu.

Akcionni plan za unaprjeđenje ljudskih prava i temeljnih sloboda LGBTI osoba u Bosni i Hercegovini za razdoblje 2021-2024. godine usvojen je u julu 2022. godine i predstavlja opredjeljenje Bosne i Hercegovine da pridonese poštovanju, zaštiti i ostvarivanju prava i sloboda LGBTQI osoba. Donošenje Akcionog plana pridonijet će većem stepenu uživanja prava i sloboda LGBTQI osoba, te će utjecati na suzbijanje predrasuda koje su prisutne u društvu. Konačno, Akcionni plan predstavlja i odgovor Bosne i Hercegovine na obaveze koje proizlaze iz brojnih međunarodnih dokumenata, ali i na pretpristupne obaveze u procesu pridruživanja Evropskoj uniji.

U cilju unaprjeđenja prava i položaja LGBTQI populacije u BiH Američka agencija za međunarodnu saradnju (USAID) podržat će projekte i aktivnosti čiji rezultati vode do poboljšanja društvenog ambijenta prema LGBTQI zajednici. USAID/INSPIRE pružit će podršku aktivnostima organizacija u BiH koje zagovaraju pitanja vezana za LGBTQI populaciju i koje se zalažu za prava, osnaživanje i dostojanstvo nedovoljno predstavljenih društvenih grupa u BiH, te koje doprinose ispunjenju Akcionog plana za unaprjeđenje ljudskih prava i temeljnih sloboda LGBTI osoba u Bosni i Hercegovini za razdoblje 2021-2024.

Program podrške zaštiti ljudskih prava USAID/INSPIRE dodijelio je grantove u oblasti pružanja podrške LGBTQI zajednici u BiH tokom 2021., 2022. i 2023. godine. Više o projektima koji su u procesu provedbe molimo pogledajte na linku <https://s.usaidinspire.ba/PodrzaniLGBTQI>, kako bi se spriječilo ponavljanje istih ili sličnih projekata na istim lokacijama.

Opće smjernice za aplikante

Ovaj Javni poziv (broj 20.04.0-N2.3-9107) sastoji se od 2 faze – 1. faza (nacrt projektnog prijedloga, uz ostalu dokumentaciju) i 2. faza (puni projektni prijedlog i budžet, uz ostalu dokumentaciju).

Značajno je da aplikant preduzme mjere da u svakoj aktivnosti korisnici projekta ni na koji način nisu izloženi potencijalnom riziku od neugodnosti, neprijatnosti ili rizika narušavanja ljudskih prava.

Sve smjernice navedene u ovom Javnom pozivu se odnose i na 1. i na 2. fazu apliciranja, tako da je važno konsultirati ovaj dokument i pri apliciranju u 2. fazi, ukoliko aplikant zadovolji 1. fazu.

Nije dozvoljeno korištenje sredstava za rekonstrukcijske radove po ovom Javnom pozivu. Dozvoljen je rad isključivo s nepolicijskim službenicima.

Traženi iznos u 2. fazi mora biti jednak ili niži onom iznosu traženom u 1. fazi (niži u slučaju pronalaska dodatnih donatora do 2. faze). Planirano trajanje projekta u 2. fazi ne može biti drugačije u odnosu na 1. fazu.

Oblasti Javnog poziva

Projektni prijedlozi trebaju se odnositi na sljedeće oblasti koje se vežu za pružanje podrške LGBTQI zajednici u BiH kroz:





USAID
OD AMERIČKOG NARODA

- **Oblast 1:** Unaprjeđenje položaja LGBTQI osoba u BiH, uključujući i bolju percepciju LGBTQI populacije u bh. javnosti te edukacija javnosti o LGBTQI pravima.
- **Oblast 2:** Zagovaranje ka svim nivoima vlasti za izmjene i dopune pravnog okvira i relevantnog zakonodavstva u BiH s ciljem unaprjeđenja prava i položaja LGBTQI osoba u BiH.
- **Oblast 3:** Pružanje tehničke pomoći institucijama BiH koje uključuju ljudska prava LGBTQI osoba u politike, programe i strategije.
- **Oblast 4:** Unaprjeđenje položaja LGBTQI zajednice u BiH u različitim oblastima.

Aplikant će u svojoj prijavi navesti kojom se oblašću primarno bavi u svom projektnom prijedlogu. Projektni prijedlozi koji se ne budu uklapali ni u jednu od navedenih oblasti neće biti uzeti u razmatranje.

Uvjeti i procedure za apliciranje

USAID/INSPIRE otvara fond za grantove usmjerene na pružanje podrške aktivnostima LGBTQI populacije u BiH. Projektni prijedlozi mogu se dostavljati za cjelokupni ili djelomični iznos sredstava potrebnih za implementaciju projekta.

Minimalni iznos sredstava koja se traže od USAID/INSPIRE ne može biti manji od 50.000 BAM a maksimalan iznos traženih sredstava ne može prelaziti 150.000 BAM. Iznos predloženog administrativnog dijela budžeta (plate, doprinosi, porezi, režijski i uredski troškovi) ne može iznositi više od 40% od ukupnog budžeta koji se traži od USAID-a.

Trajanje projekta ne može biti kraće od 12 mjeseci i duže od 17 mjeseci.

Tokom implementacije projekata aplikant će biti odgovoran za upravljanje sadržajnim i finansijskim dijelom projekta, kao i za narativno i finansijsko izvještavanje prema USAID/INSPIRE-u.

Aplikacije i tražena dokumentacija moraju biti napisane na jednom od službenih jezika i pisama Bosne i Hercegovine. Aplikacije moraju biti popunjene elektronski.

Nepotpune aplikacije, aplikacije koje pristignu nakon navedenog roka, aplikacije koje ne budu dostavljene na predviđeni način, kao i prijave na neodgovarajućim obrascima neće biti uzete u razmatranje. Dokumentacija koja bude dostavljena, a nije tražena, neće biti uzeta u razmatranje.

Sva pitanja koja se tiču ovog Javnog poziva dostavljaju se isključivo putem e-mail adrese: prijava@usaidinspire.ba (subject/predmet: 20.04.0-N2.3-9107, Upit) do 8. novembra 2023. godine.

U petak, 3. novembra 2023. g, s početkom u 11.00 sati bit će održana online info sesija vezana za Javni poziv 20.04.0-N2.3-9107, Podrška aktivnostima LGBTQI zajednice u BiH.

Link za prisustvo online info sesiji nalazi se ovdje: <https://s.usaidinspire.ba/infosesijaLGBTQI>. Sve informacije koje budu pružene na online info sesiji, a da su u suprotnosti sa Javnim pozivom, tekst Javnog poziva bit će mjerodavan.





USAID
OD AMERIČKOG NARODA

I. faza

Projektni prijedlozi dostavljaju se najprije samo u formi nacрта projektnog prijedloga, koja se nalazi na online platformi za upravljanje grantovima APPLY.

Pored nacрта projektnog prijedloga potrebno je dostaviti uvjerenje o poreskoj registraciji (ID broj). Uvjerenje o poreskoj registraciji, kao i sve dokumente koje budete obavezni priložiti uz svoju aplikaciju u narednim fazama, dodajete tako što ćete kroz svoj APPLY profil (ili klikom direktno na link: <https://s.usaidinspire.ba/#eligibility>) **popuniti Eligibility obrazac** koji možete izmijeniti i dopuniti u bilo kojem trenutku bez obzira nalazite li se usred aplikacije na neki od grantova ili ne. Tako aplikant omogućava pravovremen, detaljan i sveobuhvatan uvid u status svoje organizacije, kako danas, tako i u budućnosti. Rješenje o registraciji / izvod iz registra (ne stariji od godinu dana) može se dostaviti do apliciranja za 2. fazu.

Aplikacije dostavljene na drugačiji način u odnosu na naznačeni u Javnom pozivu, ili dostavljene nakon roka, neće biti uzete u razmatranje.

Svaka organizacija može aplicirati s najviše jednim nacrtom projektnog prijedloga u okviru ovog Javnog poziva. U slučaju da neka organizacija dostavi više od jednog projekta, u obzir će se uzeti samo prva pristigla aplikacija.

Aplikanti mogu, ali ne moraju imati partnera u projektu. Izjava o partnerstvu, odnosno pisma podrške se dostavljaju u 2. fazi, a više o tome u dijelu Javnog poziva: 2. faza.

Komisija za evaluaciju obavlja preliminarnu ocjenu projektnih prijedloga na osnovi informacija i dokumentacije koju su predali aplikanti.

Preliminarni pregled nacрта projektnog prijedloga obuhvata sljedeće kriterije:

Eliminatorski kriteriji:

- Dostavljena je sva dokumentacija koja je u pozivu navedena kao obavezna, te je popunjen *Eligibility* obrazac.
- Projekt se direktno bavi jednom od navedenih oblasti Javnog poziva.

Bodovni kriteriji:

- Problem je opisan na jasan i razumljiv način, te su navedeni podaci koji potvrđuju da problem uistinu postoji.
- LGBTQI osobe su jedna od glavnih ciljnih korisničkih grupa aktivnosti koje provodi organizacija;
- Organizacija se trenutno bavi pitanjima pružanja podrške aktivnostima LGBTQI populacije u BiH ili pruža podršku na rješavanju ove problematike; organizacija je profesionalizirana za pružanje podrške u radu na problematici navedenoj u oblastima Javnog poziva.
- Projektni prijedlog u skladu je s mjerama navedenim u Akcionom planu za unaprjeđenje ljudskih prava i temeljnih sloboda LGBTI osoba u Bosni i Hercegovini za razdoblje 2021-2024. godine (u okviru oblasti kojom se projektni prijedlog bavi).
- Projektni prijedlog predviđa zagovaračku inicijativu za unaprjeđenje pravnog okvira i relevantnog zakonodavstva u BiH s ciljem unaprjeđenja prava i položaja LGBTQI osoba u BiH.
- Postoji jasna veza između odabrane oblasti iz Javnog poziva i projekta.





USAID
OD AMERIČKOG NARODA

- Projekt je usklađen s trenutnim i prethodnim intervencijama u oblasti Javnog poziva.
- Projektni ciljevi su u skladu s odabranom oblašću iz Javnog poziva.
- Ciljevi su specifični, mjerljivi i realni i moguće ih je dostići u toku trajanja projekta ili ubrzo nakon završetka.
- Odabrana je prikladna metodologija koja će dovesti do ispunjenja ciljeva.
- Organizacija u svojim ranijim ili trenutnim projektima sarađuje s drugim organizacijama, vlastima, zajednicom i drugim interesnim stranama.
- Organizacija stvara sinergiju s interesnim stranama, vlastima, zajednicom i drugim organizacijama koje se bave LGBTQI populacijom.
- Organizacija posjeduje kapacitete (strukturu organizacije) da provede projekt.
- Organizacija ima relevantna prethodna dostignuća u odnosu na oblasti iz Javnog poziva.
- Iznos prihoda u svakoj od posljednje tri godine bio je jednak ili veći od traženog iznosa za projekt.

Komisija za evaluaciju će kontaktirati osobe navedene za kontakt i preporuke kako bi se provjerili podaci o prethodno ostvarenim rezultatima.

Nakon što Komisija ocijeni i rangira sve pristigle nacрте projektnih prijedloga, svi aplikanti bit će informirani o ishodu ocjene njihove aplikacije automatskim e-mailom i putem online platforme za upravljanje grantovima APPLY. S obzirom na mogućnost da e-mail završi u neželjenoj pošti ili da nikako ne stigne, aplikanti se mole da redovno provjeravaju status aplikacije u APPLY-u. Oni projektni prijedlozi koji budu pozitivno ocijenjeni ulaze u 2. fazu apliciranja.

2. faza

Od aplikanta koji budu obaviješteni da su uspješno prošli 1. fazu zatražit će se da dostave cijeli projektni prijedlog, koji se može popuniti putem online platforme za upravljanje grantovima APPLY, budžet na obrascu OBR-INS-GRB, biografije osoblja koje će biti angažirano na projektu (kao i osoblja partnerskih organizacija), te ispunjenu Izjavu o partnerstvu, na obrascu OBR-INS-PAR (isključivo ukoliko organizacija ima partnera u projektu) i pismo podrške institucija vlasti (opcionarno).

Pored punog projektnog prijedloga i budžeta, potrebno je dostaviti rješenje o registraciji pravnog lica ili izvod iz registra (dokument ne smije biti stariji od godinu dana). Kao što je navedeno iznad u 1. fazi, ovi se dokumenti dostavljaju putem Eligibility obrasca, a putem vašeg APPLY profila (ili klikom direktno na link: <https://s.usaidinspire.ba/#eligibility>).

Prilikom ocjene projektnih prijedloga uzet će se u obzir sljedeće:

- dostavljena je sva dokumentacija koja je u Javnom pozivu i APPLY-u navedena kao obavezna,
- izrađena je dubinska analiza problema koja ukazuje na to da se aplikant razumije u materiju Javnog poziva i aktuelne podatke,
- projektna ideja je u skladu s kriterijima Javnog poziva, jasna je i razumljiva,
- projektni prijedlog u skladu je s mjerama navedenim u Akcionom planu za unaprjeđenje ljudskih prava i temeljnih sloboda LGBTI osoba u Bosni i Hercegovini za razdoblje 2021–2024. godine (u okviru oblasti kojom se projektni prijedlog bavi).
- aplikant ima specifičan, odgovoran pristup i metodologiju rada sa LGBTQI populacijom,
- projektni prijedlog predviđa direktnu saradnju sa LGBTQI osobama,





USAID
OD AMERIČKOG NARODA

- predložena metodologija za provođenje aktivnosti dovodi do željenih rezultata, specifična je, u skladu je s Javnim pozivom te daje jasnu sliku projektne intervencije,
- projektni prijedlog dostavlja organizacija koja radi sa LGBTQI populacijom i na problematici sa kojima se suočava LGBTQI populacija u BiH, te promoviranju prava LGBTQI osoba, ili je profesionalizirana za pružanje podrške u radu na problematici navedenoj u oblastima Javnog poziva,
- projektni prijedlog predviđa zagovaračku inicijativu za unaprjeđenje pravnog okvira i relevantnog zakonodavstva u BiH s ciljem unaprjeđenja prava i položaja LGBTQI osoba u BiH.
- očekivani rezultati uključuju izravnu podršku ili zagovaranje u ime LGBTQI osoba,
- projektni rezultati s pripadajućim indikatorima doprinose ispunjenju projektnih ciljeva, specifični su i mjerljivi s preciziranom ciljnom grupom i njihovim brojem,
- jasno su definirani alati za praćenje i evaluaciju projekta koji se mogu iskoristiti za procjenu uspješnosti projekta,
- budžet odražava dobar odnos uloženog novca i postignutih rezultata; projektne aktivnosti usklađene su s troškovima, a troškovi su jasno pojašnjeni u narativnom dijelu budžeta,
- aplikanti se ohrabruju da imaju sufinansiranje, bilo u naturi ili u novcu,
- projektni prijedlog ne temelji se isključivo na izradi i distribuciji promotivnog i zagovaračkog materijala, ili samo na održavanju seminara i treninga, te izbjegava nepotrebne troškove,
- iz projektnog prijedloga vidljivo je da postoje realne mogućnosti da se postigne rezultat tokom trajanja projekta ili netom nakon toga,
- aktivnosti su ravnomjerno raspoređene tokom trajanja projekta, a njihov raspored je realan i hronološki dobro usklađen,
- prepoznati su potencijalni rizici u provođenju projekta i opisane su mjere kojima bi se oni umanjili,
- organizacije pokazuju sposobnost za uspješno partnerstvo s vlastima, drugim organizacijama i raznim interesnim stranama koji rade s marginaliziranom populacijom u BiH,
- specifični ciljevi dovode do ispunjenja općeg cilja, mjerljivi su i realni, te postoji realna mogućnost da se postignu tokom trajanja projekta ili netom nakon njega,
- projektni prijedlog promovira održivost ostvarenih projektnih ciljeva i rezultata,
- projekt je zastupljen u javnosti kroz promotivne aktivnosti, predviđa pojavljivanje u javnosti kako bi dosegao širu publiku, te omogućuje pojavljivanje donatora,
- organizacije stvaraju sinergiju s interesnim stranama, vlastima, zajednicom i drugim organizacijama koje se bave istom oblašću djelovanja,
- aplikant jasno identificira potencijalne negativne učinke intervencija/aktivnosti koje namjerava implementirati i predlaže mjere koje namjerava preuzeti da bi se taj rizik izbjegao,
- predloženi projekt nije ponavljanje nekog drugog tekućeg ili završenog projekta, temelji se na uspješnosti trenutnih i prethodnih intervencija za LGBTQI populaciju, te koristi najbolje prakse i naučene lekcije,
- aplikant demonstrira razumijevanje problema LGBTQI populacije i posjeduje znanje o postojećim intervencijama/projektima koje se bave ovom temom,
- aplikant pokazuje inovativnost u pristupu koja se temelji na naučenim lekcijama i najboljim praksama, te predlaže nadogradnju na postojeće i/ili prethodne projekte ili partnerstvo sa postojećim intervencijama u oblasti pružanja podrške aktivnostima LGBTQI populacije u BiH.

Aplikanti mogu, ali ne moraju imati partnera u projektu. Partneri u projektu mogu biti nevladine organizacije (udruženja i fondacije) registrirane u BiH, za šta dostavlja ispunjen obrazac Izjave o





USAID
OD AMERIČKOG NARODA

partnerstvu. Ukoliko aplikant ima podršku institucija vlasti s nekog od nivoa u BiH, drugih organizacija ili interesnih strana, potrebno je dostaviti njihova pisma podrške. Izjavu o partnerstvu, kao i pisma podrške dostavljaju se u ovoj, 2. fazi, ukoliko aplikant bude odabran za učešće u 2. fazi.

Traženi iznos u 2. fazi mora biti jednak ili niži u odnosu na traženi iznos u 1. fazi (u slučaju pronalaska dodatnih donatora do 2. faze apliciranja). Traženi iznos u 2. fazi apliciranja ne smije biti veći od traženog iznosa u 1. fazi, što može dovesti do eliminacije u 2. fazi. Trajanje projekata ne može se mijenjati u odnosu na navedeno trajanje u 1. fazi.

Ukoliko USAID/INSPIRE nakon 1. faze dopisom traži odgovore ili pojašnjenja na određene dijelove nacrtu projektnog prijedloga, potrebno je da aplikant službenim dopisom odgovori na ova pitanja, te da ovaj dopis bude prilog uz punu projektnu aplikaciju, koji će se smatrati prilogom uz finalnu aplikaciju.

Nakon procjene punih projektnih prijedloga svi aplikanti bit će informirani o ishodu ocjene njihove aplikacije automatskim e-mailom i putem online platforme za upravljanje grantovima APPLY. S obzirom na mogućnost da e-mail završi u neželjenoj pošti ili da nikako ne stigne, aplikanti se mole da redovno provjeravaju status aplikacije u APPLY-u.

Oni projektni prijedlozi koji budu pozitivno ocijenjeni ulaze u fazu pregovora o dodjeli granta i fazi potpisivanja ugovora. U fazi pregovora će USAID/INSPIRE i aplikant usaglasiti projektni prijedlog, naročito dijelove koji se odnose na isporuke, monitoring i evaluaciju projekta. USAID/INSPIRE će za osoblje organizacija koje uđu u fazu pregovora o dodjeli granta organizirati informativne radionice s ciljem unaprjeđenja projektnih prijedloga, posebno dijelova koji se odnose na teoriju promjene, postavljanje i praćenje projektnih indikatora te projektnog budžeta.

Obavijest o pozitivnoj ocjeni projektnog prijedloga ne znači neminovno da će USAID/INSPIRE s organizacijom potpisati ugovor niti da će projektni prijedlog biti finansiran. Potpisivanjem ugovora o dodjeli granta uređuju se međusobni odnosi saradnje, prava i obaveze obje ugovorne strane.

Korisnik granta iz sredstava USAID-a dužan je imati UEI (Unique Entity ID). Uputstvo se nalazi na sljedećem linku: <https://sam.gov/content/entity-registration>.

Ukoliko korisnik granta od ranije nema važeći UEI broj, bit će dužan registrirati se najkasnije mjesec dana nakon početka implementacije projekta i dostaviti svoj UEI broj kroz online formu <https://s.usaidinspire.ba/SAMreg>. Korisnik granta bit će obavezan jednom godišnje ažurirati podatke na www.sam.gov. U slučaju da validnost registracije u sistemu SAM istekne, USAID/INSPIRE će moći bez odgađanja raskinuti ugovor o dodjeli granta.

Uvjeti dodjele granta

Organizacije koje budu imale najbolje projektne prijedloge i budu odabrane u užu krug kandidata dužne su omogućiti USAID/INSPIRE da provede predgrantovsku procjenu rada i poslovanja organizacije u prethodnom periodu. Predgrantovska procjena podrazumijeva analizu organizacijskih, finansijskih, administrativnih i ljudskih resursa aplikanta.

Samo organizacije čiji projekti budu najbolje ocijenjeni i koje uspješno prođu proces predgrantovske procjene mogu biti korisnici granta. USAID nema obavezu pojedinačno obrazlagati svoju odluku



aplikantima. USAID zadržava pravo da ne dodijeli sva raspoloživa sredstva predviđena ovim Javnim pozivom.

Jačanje organizacijskih kapaciteta

Potpisivanje ugovora o dodjeli granta podrazumijeva, pored implementacije projektnih aktivnosti, i spremnost organizacija da aktivno učestvuju u razvoju svojih organizacijskih kapaciteta uz punu podršku USAID/INSPIRE.

Razvoj organizacijskih kapaciteta podrazumijeva:

- implementaciju nalaza i preporuka iz predgrantovske procjene (PGR) u toku trajanja projekta, koja se dešava prije potpisivanja ugovora sa USAID/INSPIRE i uvjet je za potpisivanje ugovora;
- aktivan rad na jačanju kapaciteta i unaprjeđenju postojećih pravilnika i procedura koji uređuju rad organizacije, tamo gdje to bude potrebno (kroz alat KULT/POK⁴).
- učešće na edukacijama i treninzima koje organizira USAID/INSPIRE (do devet treninga u toku godine za osoblje organizacije);
- korištenje KULT/POP alata za samoprocjenu organizacijskih performansi i provođenje KULT/POP⁵ procesa jačanja i razvoja performansi organizacije.

Organizacije trebaju prilikom planiranja osoblja angažiranog na projektu predvidjeti dio radnog vremena koji će se odnositi na jačanje organizacijskih kapaciteta.

Predgrantovska procjena provodi se nakon 2. faze aplikacije, a prije potpisivanja ugovora i uvjet je za potpisivanje ugovora s USAID/INSPIRE. U slučaju nepoštivanja rokova za dostavljanje aplikacije, ili rokova vezanih za predgrantovsku reviziju, aplikant će biti eliminiran.

Rok za dostavljanje nacrt projektnog prijedloga

Od aplikanata se traži da **do 19. 11. 2023. godine do 23.59 sati** dostave nacrt projektnog prijedloga u elektronskom obliku, sa svim traženim prilogima, putem online platforme za upravljanje grantovima APPLY, nakon čega će aplikanti odmah dobiti automatski e-mail kao potvrdu o prijemu aplikacije. Nacrti projektnih prijedloga koji ne budu dostavljeni na navedeni način, neće biti uzeti u razmatranje. Aplikanti koji ne zaprime automatski odgovor o prijemu aplikacije u roku od 30 minuta od slanja trebaju se odmah javiti na elektronsku adresu prijava@usaidinspire.ba (subject/predmet: 20.04.0-N2.3-9107, Upit).

Napomena: Svi potencijalni aplikanti trebaju pristupiti registraciji na online platformu za upravljanje grantovima APPLY putem linka: <https://s.usaidinspire.ba/apply> čim prije, kako bi se upoznali s uvjetima i tehničkim postavkama aplikacije. Detaljne instrukcije o procesu registracije mogu pronaći na linku: <https://s.usaidinspire.ba/applyti>

##KRAJ DOKUMENTA##

⁴ KULT/POK[®] – alat za procjenu organizacijskih kapaciteta: <https://kult.smapply.io/res/p/kult-pok>

⁵ KULT/POP[®] – alat za procjenu organizacijskih performansi: <https://kult.smapply.io/res/p/kult-pop>

